

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De tertio

[urn:nbn:de:bsz:31-122776](#)

sceptro virtutis sua verbo scil. & Sp. S. regeret, Ps. 2. v. 6. & adversus omnes hostes nostros spirituales & corporales defenderet, Zach. 9. v. 9.

Præbet nobis hæc doctrina

1. *Egregiam consolationem*, quia participamus de hoc unguento, conf. Psal. 133. v. 2. Joh. 1. v. 16. Act. 11. v. 26. contemnatis mundus, & rejiciat tanquam περιφύμα τὴν καθάρωσιν. Cor. 4. v. 13. sumus tamen uncti Dei, & compassi cum Christo, tandem etiam cū Christo regnabimus, 2. Tim. 2. v. 12.

2. *Exhortationem*. Unxit nos Christus in Prophetas, ut doceremus impios viam Domini, Ps. 51. v. 15. in Sacerdotes, qui offerrent Deo hostiam placentem vitulos labi- otum, Os. 14. v. 3. spiritum contritum & humiliatum, Ps. 51. v. 19. & gratiarum affectio- nes, Ps. 69. v. 32. in Reges, qui dominaren- tur concupiscentiis carnis, & peccatum non sinerent regnare in mortali suo corpore, Rom. 6. v. 12. qui enim peccatum facit, peccati servus est, Joh. 8. v. 34. Faciamus igitur officium nostrum, ut quod h̄ic sumus spe, consequamur ibi re, nimirum regnum decoris, & diadema speciei de manu Do- mini, Sap. 5. v. 17.

De Tertio.

R Estat pars ultima de Christi approbatio- ne, qua

I. *Petrum beatificat*. Beatus es, inquit, Simon Bar Iona. Simon vocaris, quod est auditor, & certè nomen & omen habes, siquidem verbum meum cum fructu audi- visti, & exinde veram mei cognitionem ad- didicisti. Licet igitur humili stirpe sis pro- gnatus, Patre Iona homine simplice & ob- scuro, tamen hæc confessio te nobilitat, & ad æternam salutem promovet.

Notate hoc Vos mei in vestram exhortationem, & Simones esse, hoc est, exemplo Petri verbum Dei libenter audire, fidem ro- borare, & confessionem vestram publicè e- dere non erubescite, si æternam quoque cum Petro beatitudinem consequi velitis. Este etiam filii Iona, & columbinam sim- plicitatem (Iona enim columbam signifi- cat) imitamini, ut verbo Dei unicè adhæ- reatis, ultra sapere non audeatis, sed illud Davidicum frequenter ingeminatis:

Simplicitas rectumq. tuum me Christe gu- bernet,

Ps. 25. v. 21. nam parvulos Deus custodit, Psalm. 116. v. 6. sed superbos dissipat, Luc. 1. v. 51.

II. Confessionem prædicat

1. *Ratione autoris*, quem non carnem & sanguinem, sed Patrem suum cœlestem esse disertis verbis affirmat. Per carnem & sanguinem ratio carnalis vel humana intel- ligitur, quæ non percipit ea, quæ sunt spi- ritus Dei, 1. Corinth. 2. vers. 14. sic Na- mano absurdâ erat septena in Jordane ablu- tio, 2. Reg. 5. v. 11. Sadducais mortuo- rum resurrecțio, Matth. 22. v. 25. Nico- demo hominis regeneratio, Johan. 3. vers. 4. Capernaitis spiritualis Christi manducatio, Johan. 6. vers. 52. & adhuc hodie mundus per suam sapientiam Deum non potest co- gnosceri, 1. Cor. 1. v. 21.

Captivanda est hæc ratio nostra sub ob- sequium Christi, 2. Corinth. 10. v. 5. ut Pa- ter cœlestis suam agnitionem in nobis ac- cendere possit, quod non facit per raptus Enthusiasticos, sed beneficio verbi & Sa- cramentorum, Esa. 8. v. 20. Johan. 5. vers. 39. Actor. 10. vers. 17. in quibus mediis ac- quiescere debemus, utpote ad omne bonum opus instructis, 2. Tim. 3. v. 17.

2. Ratio-

2. *Ratione valoris*, quem indicat

1. *Ecclesia superstruttio*. Nam tu es Petrus inquit Christus, & super hanc petram ædificabo Ecclesiam meam, q.d. tu non temerè jam pridem à me nominatus es Petrus, Ioh. 1. v. 42. id est, rupes sive saxum, revere enim es tanquam petra seu rupes, quia per veram fidem mihi veræ petræ, Esa. 28. v. 16. 1. Cor. 10. v. 4. 1. Pet. 2. v. 6. unicè inniteris, id quod confessio tua, jam de me edita, innuit, quæ & ipsa instar turpis & saxi immutabiliter subsistet, in quo Ecclesiam meam ædificabo tanquam immoto fundamento, quod summa doctrinæ Christianæ complectitur, in cuius agnitione cardo perpetuæ beatitudinis versatur.

His verbis nequiter abusi sunt Pontificii ad eminentiam papalem altruendam. Nungantur enim Petrum Romanæ Ecclesiæ præfuisse annos 75. & vi horum verborum summum in universam Christi Ecclesiam primatum & dominatum accepisse, qui in omnes ejusdem successores Pontifices puta Romanos, in hunc usque diem derivatus sit. Sed horribilis & Antichristo digna est verborum Christi depravatio. Nam Reges gentium dominantur, inquit Christus ad suos Apostolos, cum de primatu contendenter, vos autem non sic, Luc. 22. v. 25. Si verò hic Petrum constituisset papam & caput visibile Ecclesiæ suæ, poterat ipsos ad hanc constitutionem revocare, & dicere: Non opus est ut litigetis amplius de primatu. Nostis enim Petro hanc prærogativam à me concessam esse. Sed hoc non facit Christus, verùm omnem ipsis primatum & Dominatum simpliciter denegat.

Verba igitur Christi attendenda sunt. Non dicit super hunc Petrum, sed super hanc petram, quæ petra Christus erat, super

quod fundamentum ipse etiam Petrus ædificatus est, ut explicat Hieronymus. Et Augustinus scribit: super hanc petram, quam tu Petre cognovisti, & jam confessus es, ædificabo Ecclesiam meam, id est, super me ipsum filium Dei vivi, ædificabo Ecclesiam meam, ædificabo te super me, non me super te. Eodem modo exponit illa verba Chrysostomus, Ambrosius, Hilarius, Theophylactus. Nam aliud fundamentum & caput Ecclesie Scriptura non novit præter Christum, alias monstrum esset biceps, quod absurdum, 1. Cor. 3. v. 11. Col. 1. v. 18.

2. *Perpetua defensio*. Nam portæ inferorum non prævalebunt ei, subjicit Christus, & intelligit hoc nomine per metaphoram omnes omnium Diabolorum, tyrannorum & hæreticorum, machinas, quas irritas fore ait, si contra Ecclesiam dirigantur. Hoc Petrus nunquam præstare potuisset, quia erat homo labilis, & sapientissime graviter peccavit, Matth. 18. v. 1. Marc. 9. v. 34. Luc. 22. v. 24. Matth. 26. v. 51. 52. 70. seqq. 16. v. 22. Gal. 2. v. 14. Quomodo ergo fundamentum esse poterit, Ecclesie? Ergo Christus super Satanam ædificavit Ecclesiæ suam? Absit!

Notate consolationem, Vos mei, Deus Ecclesiam suam non deseret, sed perpetuæ contra portas inferorum tueri vult. Ergo cum Davide exultare possumus, dicendo ex Ps. 46. v. 1. seqq. Dominus nostrum refugium & virtus, &c.

III. *Claves commendat*. Per claves denotatur potestas. Quemadmodū enim Oeconomia claves committuntur, ut plenariā directionem totius domus sibi datam esse seiat. Ita Christus Petrum & reliquos Apostolos constituerat oeconomicos in domo sua, quæ est Ecclesia, 1. Timoth. 3. vers. 15. proinde duas ipsi claves committit, quarum altera ligans,

In Die Petri & Pauli.

ligans, altera solvens est, illa clauditur cœlum, hâc vero panditur & aperit. Est autem potestas illa non civilis & politica, sed Ecclesiastica, ut ligare idem sit, quod peccata retinere, solvere quod peccata dimittere, ut Ioh. 20. v. 23, explicatur, idque nostra autoritate propria, sed ministerialiter tantum ex mandato Dei, cuius est peccata remittere, Marc. 2. v. 7.

Iesuitæ h̄ic iterum pro Petri primatu dicunt. Sed frustrā. Quod enim h̄ic Petrus promittitur, idipsum reliquis Apostolis, alibi ad unum omnibus exhibetur, Ioh. 20. v. 22, 23, imò omnibus Ecclesiæ Doctoribus in nomine Christi congregatis, Matt. 18. v. 18.

Interim habent h̄ic quod discant

1. *Pastores*, quia œconomi à Deo constituti sunt, ut justa fidelitate officium hoc exequantur, & sine respectu personarum impenitentibus peccatorum detentionem annunciant, ut Samuel, 1. Sam. 28. v. 18. Nathan & Gad, 2. Sam. 12. v. 7. & 24. v. 13. Daniel, c. 5. v. 22, 23. Elias, 1. Reg. 21. v. 21. &c. in œcono enim præter fidelitatem nihil magis requiritur, 1. Cor. 4. v. 2.

2. *Auditores*, ut discant hinc, quantificiendæ sint pastorum suorum conciones legales, ne existiment esse fulgur ex pelvi, aut inane terriculamentum, sed verbis Christi edocti firmiter statuant, illas cum indubitate effectu sempiternæ damnationis esse conjunctas apud omnes eos, qui hujusmodi commonefactionibus obsecundare detrectant, non enim homo est, qui ligat, sed Christus, qui nobis hanc potestatem dedit, inquit Chrysostomus. Qui ergo contemnit, non contemnit homines, sed Deum, 1. Thess. 4. v. 8.

Econtra quando minister Evangelii clavem solventem exercet, & penitentibus remissionem peccatorum annunciat, de veritate & efficacia nil quicquam ambigant. Quicquid enim Sacerdos agit in terris, à Deo ratum habetur in cœlis, inquit rursum Chrysostomus. Si quidem legatione Christi fungitur, & Deus obsecratur per illum, ut ipsi reconciliemur, 2. Cor. 5. v. 20.

Sufficit! Deo sit laus & gloria
nunc & in secula seculorum, Amen.

In Die Visitationis Mariæ.

Evangelium Luc. 1. v. 39. 56.

Ara testamenti, cum trimestri tantum spatio in domo Obed-Edom divertisset, tantam ei felicitatem attulit, ut benedictionibus omnigenis exinde repletissima fuerit, 2. Sam. 6. v. 11.

Hodiè non arca tantum, sed Angelus & Dominus fœderis, Mal. 3. v. 1. in utero B. Mariæ virginis adhuc delitescens apud Zachariam Sacerdotem divertit, inibique tres menses commoratur. Ecce quanta benedi-

ctione cumulat dominum illam, infans exultat in utero, Elisabetha ipsa Sp. S. instinctu de Christo vaticinatur, & agnoscit ipsum non tantum pro fructu ventris Mariæ, sed etiam dominum suum appellat. O beata domus, in qua præstantissimæ personæ converiunt, quales Sol nunquam vidit. Maria gerit in utero filium Dei, Elisabetha Iohannem Baptistam, Sacerdos Zacharias mutatus astat plenus interim æquè ac Maria & Elisa-

Elisa-